

A Ang Pagka Matinud-anon Sa Dios (Josue 21:43-45)

- ❖ Gihatagan sa Dios ang Israel sa “tibuok yuta” (Josue 21:43) ug gitugyan sa ilang mga kamot ang “tanang ilang mga kaaway” (Josue 21:44), busa “ang tanan natuman” (Josue 21:45).
- ❖ Ang balik-balik nga paggamit sa pulong “tanan” nagpasiugda sa pagkamatinud-anon sa Dios sa pagtuman sa Iyang mga saad. Napildi ang ilang mga kaaway tungod kay ang Dios mao ang nakig-away alang kanila. Nakapuyo sila sa yuta tungod kay ang Dios naoy nagpanag-iya niini. Makaseguro sila nga mapadayon ang pagpahawa sa mga Canaanhon nga nagpabilin pa, tungod kay gituman na sa Dios ang Iyang mga saad hangtod karon ug ipadayon pa Niya kini sa umaabot.
- ❖ Ang tanan niini nagtrabaho alang sa atong kaayohan. Ang Dios magpabiling matinud-anon (Deuteronomio 7:9; Salmo 117:2; Mga Panaghoy 3:22–23). Nagsaad Siya nga luwason kita ug ihatag kanato ang Yuta isip panulondon, ug tumanon Niya kini nga saad (Filipos 1:6; 1 Pedro 1:5; Salmo 37:29)).

B Ang Gibuhat na sa Dios ug ang Iyang Buhaton pa (Josue 23:1–5)

- ❖ Sa Iyang pakigpulong ngadto sa mga katigulangan, gisugdan ni Josue sa pagpahinumdom kanila sa mga gibuhát na sa Dios ug sa Iyang buhaton pa:
 - Nakig-away Siya batok sa mga nasod (Josue 23:3)
 - Iyang gibahin ang yuta ngadto sa mga tribo (Josue 23:4)
 - Iyang pahawaon ang mga nasod nga nagpabilin pa (Josue 23:5)
- ❖ Ang tanan niini—ang nahimo na ug ang buhaton pa—nagdepende sa usa ka kondisyon sa bahin sa Israel: ang pagtuman (Josue 23:6).
- ❖ Ang kasaysayan sa Israel usa ka leksiyon alang kanato karon. Ang Dios nakadaog na batok sa sala ug gihatagan kita og kasigurohan sa kaluwasan pinaagi sa halad ni Jesus (Colosas 2:15).
- ❖ Ang atong bahin mao ang ipadayon ang gubat ug mosalig sa Balaang Espiritu aron mabuhi kita nga madaugon nga kinabuhi (2 Corinto 10:3–5; Efeso 6:11–18).

C Ang Ganti sa Pagkamatinud-anon (Josue 23:6–10)

- ❖ Ang ganti sa pagkamatinud-anon sa Israel mao ang hingpit ug bug-os nga kadaugan batok sa tanang ilang mga kaaway (Josue 23:6, 10).
- ❖ Sa kahimtangan sa pagbuntog sa Canaan, ang pagkamatinud-anon sa Dios kinahanglan ipakita sa tulo ka klarong paagi:
 - Ayaw pakasal sa mga lumulupyo sa yuta (Josue 23:7a)
 - Ayaw hisguti ang mga ngalan sa ilang mga dios (Josue 23:7b)
 - Ayaw pagsimba sa ilang mga dios (Josue 23:7c)
- ❖ Kinahanglan nilang tipigan ang espirituwal nga kaputli. Kon nakigminyo sila sa mga lumulupyo sa yuta, magsugod sila sa pagsulti sa ilang mga dios ug sa katapusan magsimba kanila. Dinhi nagsugod ang pagkahimulag ni Solomon sa Dios (1 Hari 11:4).
- ❖ Busa, kita nga mga Kristohanon gitambagan sa pagsunod sa samang pahimangno, ug dili pakigminyo sa mga dili magtotoo (2 Corinto 6:14–16).).

D Ang Angay Natong Buhaton (Josue 23:11–14)

- ❖ Walay duhaduha nga ang pangunang punto sa pakigpulong ni Josue makita sa bersikulo 11: ang paghigugma sa Dios.
- ❖ Ang Israel kinahanglan ipakita ang ilang gugma pinaagi sa dili paghigugma sa ubang mga dios, kay kini magdala ug dako nga kadaot ngadto kanila (Josue 23:12–13).
- ❖ Dugang pa, gihatagan sila ni Josue ug insentibo aron atimanon ang maong gugma: ang pagkamatinud-anon sa Dios (Josue 23:14).
- ❖ Karon, aduna kitay mas dakong insentibo: ang ehemplo ni Jesus (Juan 13:34).
- ❖ Ang Dios nagtinguha nga mosulod sa usa ka duol ug personal nga relasyon uban sa matag tawo nga motubag sa Iyang gugma.
- ❖ Busa, ang Iyang gugma alang sa tanan mao ang pundasyon sa pagpakita sa atong boluntaryo ug managsama nga gugma..

E Ang Silot sa Pagkadili-matinud-anon (Josue 23:15–16)

- ❖ Gitapos ni Josue ang Iyang pakigpulong sa lig-on nga pahimangno mahitungod sa mga sangputanan sa dili pagtuman—ang pag-antos sa kapungot sa Dios (Josue 23:15–16).
- ❖ Sama sa pagkamatinud-anon sa Dios sa pagtuman sa mga panalangin alang sa Israel, ang mga tunglo sa kasabotan miabot usab sa dihang gilapas kini sa Israel.
- ❖ Ang samang gugma nga nagdala sa Dios sa paghatag sa Iyang Anak alang kanato mao usab ang gugma nga nagpakita sa hustisya ug kapungot batok sa mga mapugosong nagkupert sa sala (Juan 3:16; Roma 2:5).
- ❖ Napakyas ang Israel ug nakaangkon sa ilang silot. Apan kita karon adunay kahigayonan sa pagsulat og laing istorya: ang magpabiling matinud-anon ug pagpabilin sa Iyang gugma (Juan 15:9).